



REPUBLIKA BOSNA I HERCEGOVINA
HRVATSKA ZAJEDNICA HERCEGA - BOSNA
HRVATSKO VIJEĆE OBRANE
RPG KV - "APOLLO"

VOJNA TAJNA
STROGO POV.

Petković

IZVANREDNO IZVJEŠĆE (7)
30.06.1993.

13.45 "9" - Brko (72)

- ... baš tako, žestoko smo uzvratili i uzeli 18 kilometara linije.
- Pa kako su nasrnuli na vas tako?
- Jebi ga, navalili jutros, uzeta je vojarna, uzeto Bijelo polje, spojili se gore ...
- Da mi reci ima li puno mrtvih?
- Nema. Ima osam mrtvih.
- Na našoj strani?
- Jeste, na našoj strani, za toliku akciju to ti je po vojnim procjenama malo.
- Znam, znam, ima li granata prema vama?
- Evo sad je non-stop, piše od svake. Ranjenici, to je nama smrt, od granata, PAT-ova, PAH-ova, ali to je to.
- Dobra, dobra.
- Da ti kažem, ono kad sam ti ja rekao otišao sam tamo do stare sutradan, pa sam joj završio, dao "stoju", jedva joj objasnio za onog brata i tako.
- Dobro, hvala ti mnogo. Da mi reci jesu li naša raja sva bila?
- Jesu, jesu, vidjedaš /ne čuje se/
- U redu, jebi ga.
- Ha džaba je, nemože drugačije.
- OK, hvala ti mnogo.
- Čujemo se.

13.52 Arif P. - "22" (72)

- Javljam se ponovo u zakazano vrijeme. Šaljem vam ovaj izvještaj. Imam dosad ukupno 9 mrtvih, još mi je podleglo dvojica, 14 ranjenih. Istina, od tih 14 su dva-tri teža, ostalo su lakše ranjeni. Linija je uspostavljena skroz Bijelo polje - Salakovac, i tu se sad radi gore na onom dijelu prema branil, još nemam detaljne informacije, to je nešto oko 18 km odavde. Čitava lijeva obala je potpuno pod našom kontrolom.
- Čestitam, a naređeno je ovim komšijama da i oni rade i mislim da oni već rade posao.
- Molim vas, ja sam poslao putem sifra, vidite ako nešto tu ne ide kako treba, treba ubrzati, ja trebam sa njima da napravim spoj. To je sada vrlo bitno i radi onog ostalog što mi treba.
- Pisмено i usmeno da to urade.
- Dobro, ja sam vam već rekao da mi je komandant brigade poginuo, ja sam postavio drugog vršioca dužnosti, dobićete o tome podatke. Organizovacu sve ostalo što treba, formirati odbor za sahranu svih boraca i mogu vam reći jedan izuzetan dan, samo je šteta što su poginuli pravi borci. Ostalo su odradili prema dužini sa vrlo dva čvrsta objekta, Sjeverni logor i u Bijelom polju taj samostan, gdje im je bila komanda, odnosno zapovjedništvo, jer je tekao napad kako meni nije bilo shvatljivo.
- Znači sada smo na putu Bijelo polje - Salakovac?
- Jeste, na tom smo putu. Ja se nadam da će malo desno ići odavde, da se spojim onim vašim Bijelom koji ide odozgo.

- Dobro, mi ćemo pokušati i ovaj dio u Vladi pokušati da riješimo.
- Dignite to na visoki nivo, da je HVO održalo ekskluzivnu konferenciju, ja ih sada i od danas zovem ustaške snage i za mene više nisu ništa drugo, da su zabranili španskom bataljONU jutros u 7 sati ulazak u Mostar, da su istjerali UNPROFOR, promatrače EZ, da su istjerali UNHCR i Međunarodni Crveni Križ kojeg već 15 dana nema ovdje. Znači, sve međunarodne činioce oni su jednostavno fizički odstranili iz Mostara i po njihovoj ekskluzivnoj konferenciji oni su jednostavno objavili rat Armiji BiH na ovom prostoru.
- U redu, jasno.
- Ja ću pokušati javiti kad ćemo uspostaviti vezu.
- Dobro, drago mi je da smo se čuli. sretno, mi ćemo gurati ovamo.
- Hvala i prijatno.